

幸魯盛典

卷三十七 卷三十八



幸魯盛典卷三十七

聖駕巡幸闕里恭頌八首



理藩院知事臣張英

虞巡先岱嶽漢祀肅洙陰盛典前無古流輝直到  
今思廻

天子駕道契聖人心豈羨登封出書功上翠岑

其二

偃武

皇風遍崇儒

聖治光勞謙勤

玉趾明德薦馨香禮樂還三統淵源證一堂微臣稽往  
牒此日最輝煌

其三

金奏高軒發緇林古殿開

天行星騎擁人望

日車來多士陳經席元公捧

御杯凝

旒聞有賦不數大風才

其四

素王遺手澤古檜有崇柯表瑞神著竝論年漢栢多

自邀

天藻及長遣地靈呵嶽竄南山石琅琅字不磨

其五

御蓋黃金織星文紫極懸

紫微垣有華蓋十五星

柄回如斗曲

影動覺天旋舊卓螭頭上新移豹尾前

詔留旌聖域垂憲億千年

其六

千官廻矚處佳氣滿松扃金榜齊楣起銀鈎運腕

靈光芒星日彩波磔虎龍形

天語關元化煌煌似六經

其七

幸宅恩原渥榮宗數更殊褒封先四氏延賞及諸儒  
樵牧初懸禁軒車日載途不煩梅尉請  
睿鑒百王無

其八

昇平多制作動輒掩前修青鳥何勞致金仙豈待求  
九衢懸正學萬禩仰

鴻庥

國史行傳信時維甲子秋

聖駕東巡行幸闕里恭賦

光

祿

寺

典

簿臣孫寶仍

帳殿遙臨泗水間

鑾輿侵曉向尼山千秋典秩增殊錫四氏衣冠識

聖顏度越百王真朔舉事兼三代喜追攀小臣童叟遊

東魯鼓吹休風舞末班



遂揭凌雲榜

親題萬世師瑤光浮寶宇瑞色耀華棖

鳳蓋還留賜

鸞旌更遠移石壇盈翠靄輦路轉涼颺林木千章繞

天香十里吹

九重滋渥澤累葉拜榮施秩賜元公裔

恩從闕里推上元開甲子珠緯叶昌期

大駕東巡幸闕里恭紀

史館纂修官臣黃虞稷

聖主垂衣景運昌白狼槃木遠來王歲逢甲子晨頒朔

律應黃鐘

駕省方世際雍熙人在宥泰居九五

帝當陽風行海濫恢區宇順助天時若雨暘地邇陬城

懷仰止源探洙水得津梁森森松栝干霄聳采采

蘋蘩挹袖香舊宅靈光殊靄靄孤峯歷下自蒼蒼

橋門制度推宗國禮殿崇闕象

帝閭

羽衛乍臨儀鄭重祠官夙戒事周詳伶倫憂石來  
清禁佾舞分麾出太常鬱鬱青槐舒兩腋熒熒朱火  
爛中央幾行繡黼排鴛鷺千隊霞旌控驪驪

鹵簿齊驅容赫奕箭韶協奏韻鏗鏘堯雲冉冉開金  
幄舜日瞳瞳映玉韁半畝講壇依杏樹

九重仙仗驟龍驤靈威陟降輕烟遶肸蠶昭融純席光  
鏞鼓并懸輝篋簾尊壘互列寶虞商燎餘焰入庭  
階栢祀罷從登絲竹堂陶項禹腰思肖貌大縫章  
甫見冠裳螭文剝蝕穹碑泐虬幹盤廻老檜芳  
鸞輅欲旋猶眷慕孔林漸近更徜徉柞枌細辨諸方

植瓴甃遙尋故築場菴藹神著

躬把玩低回陳蹟意蒼茫一函

鳳詔勤宣布百代人師孰頡頏剛定詩書垂宇宙監觀  
殷夏盛文章生知獨亶天將縱道大難容衆共傷  
蹙蹙何之歌曠野溫溫靡試感周行狩從西郭祥  
麟逝瑞降端門赤雀翔拂几

凝旒親翰墨含毫琢句等珪璋已看

聖藻揮

宸極更捧璇題署

御床鐵畫銀鈎神煥發

天葩睿製思焜煌榮增陞祀留

芝蓋寵昇貞珉護璧璫萬姓同瞻文郁郁中天益嘆  
道洋洋

聖惟知聖誠先覺名莫能名信不忘正學咸聞尊嶧泗  
小儒底用說荀楊褒成大賚承

恩沃東野疏封錫祐滂時值休和欣有道民恬耕鑿樂  
無疆濊汪沛澤超今古覃被隆施及校庠何幸微  
臣遭盛美還因珥筆載賡颺聊敷擊壤康衢頌快  
覩

高天萬禩慶

大駕東巡幸闕里恭紀

史館纂修官臣姜宸英

軒皇垂裳得天紀七曜聚合如璧珠經歲四千五  
百六貞元之會今同符康熙紀元

天子聖二十三年文教敷

臨雍雷振靈鼉鼓拜洛天浮龍馬圖舜于乍輝荒服  
靜神鞭再投海水枯爰議時巡降

清問禮官具儀

帝日俞

德音始渙萬物泰所過盡



賜明年租禮崇望告首東岱制度一一準有虞簡省  
輿衛止除道奔走父老寧需扶旣陋五土事封禪  
亦笑八駿徒馳驅闕里臨幸有故事跨漢軼唐禮  
數殊泉林游泳證道妙魯門未到心先輸有司宿  
戒壺濯陳羹劍飯簋籩脯胸筍鱗虛羸編磬備和  
以琴瑟笙簫竽樂工肄成太常部三十六舞紛縈  
紆是月仲冬日己卯軫中朗旣明前爐風和氣暄  
翼雲罕

冕旒肅穆中殿須雲雷之尊犧象二祭器羅列商周模  
祝辭親製

皇帝獻告虔幣嘉酌清醑贊稱九拜獻三跪此事今有  
古所無烟燎旣舉神洋洋千官竝起鏘瑤瑜

皇帝更衣御行幄臚傳進講駢生徒如聆金石壁中奏  
復見詩禮庭前趨締觀象設展圖繪始知妙手神  
明俱

帝乃載歌歌五言音成雅頌文典謨摩挲手植生意盡  
化工迴斡欣重蘇

鸞旗北指廟扉闔羲和停轡儼未晡墓門高瞰大庭  
庫石梁徑渡城陰洙千年隧道絕荆棘四方移種  
饒檀榆黃玉一闕不復見惟見羣雀鳴相呼舉酒

三會盛典 卷三十一  
三酌復再拜草間翁仲聞都吁靈著目擊心自契  
陰陽變化誰能摹

六師久嚴先輅動

皇情欲去增踟躕青雲留拂翠華葆垂露交輝金榜烏  
四氏承

恩拜稽首填觀萬姓皆睢盱踰年廟碑復載往

睿藻揮灑翰墨濡碑用西山奪玉石白鏹齋運出中帑  
蓋用琉璃瓦兼兩樹之金聲門右隅排挾幽扇煥  
長夜晶晶懸日當天衢百家騰恣仁義塞可憐聖  
路久榛蕪元和大中祇文具漢鑄唐榻空模糊我

皇好道不旁鶩但言魯國惟一儒岐陽嶧陽先後聖鬼  
我并列穹龜趺從此膠庠盛經術絃歌詎獨鄒與  
邠人文化成休氣應陽和鼓動天地爐羣臣不知  
所報答

陛下萬歲長懽愉

聖駕幸魯恭頌

山東布政使司布政使臣黃元驥

躬臨闕里藻芹香釋奠儀成邁漢唐宅奏金絲聞異響  
壁開蚪蚪現祥光三千禮樂諸生在十二河山後  
裔長自是褒崇逢

聖代中天文治遍遐方

其二

精一傳心紹有虞

臨雍更進魯諸儒同尊周孔修經學獨  
御乾坤闡易圖芹水春風歸

教育杏壇時雨樂沾濡懸知君道兼師道  
神聖天開歷代無

聖駕幸闕里釋奠

先師禮成恭頌

山東分守濟東道兼理驛傳事務布政司參議臣陳俞侯

翠蓋遙臨岱岳東防山泗水卽崆峒罇彝位設階千

尺絲竹聲飄殿九重

特定儀文超漢祖更分芹藻到姬公煌煌明備欣殊典  
況有

奎章照泮宮



肆祀列宮懸典樂笙鏞正司儀灌獻便先期嚴滌  
濯右享碩牲牲樞拜

宸容肅趨踰執事虔咏歌音要眇翟籥舞翩躚昭格通  
燔燎馨香溢豆籩羹牆懷仰止車服想當年周覽  
深諮度遺徽獨泝泐橫經青玉案席地紫茸氎鷓  
鷲陪

行幄衣冠侍

講筵庭階瞻日近族姓沐

恩偏澤沛兼金賜官增博士員園橋人濟濟鼓篋士  
禮禮松柏森蒼翠蛟螭攫蜿蜒尊彝犧象列碑碣

漢唐鑄展翫稽時代摩挲愛古先杏壇觀瑞檜碧  
甃汲清泉截業軒墀峻雕鏤柱石妍采思金縷細  
榱桷玉題圓繡栱烟霄外虹樓日月邊規模誠壯  
麗俯仰重流連林木龍鱗老幽宮馬鬣豎  
六飛臨古隧百畝廣新阡葱鬱占佳氣徘徊  
駐綵旃摘著知異卉入室憶前賢羅繖留

天澤金絲勒頌篇

奎章輝棟宇

睿藻麗雲烟琬琰光華燦蛟龍體勢騫鴻圖千古煥曠  
典萬年傳先後揆真一高深協自然小臣聊獻句

擗管愧如椽

--	--	--	--	--	--	--	--	--	--	--

曲阜瞻拜

御製

至聖先師孔子廟碑恭紀

山東督糧道布政使司參議

臣胡介祉

聖人統御協萬邦雍熙政治齊虞唐大海偃息波不揚

率土寧謐兵戈藏元公調和歌明良學士倚馬賦

長楊

天子好學邁百王窮搜古典手丹黃師儒重道

睿智彰東

幸闕里祀典光上下于古無與方猗歟盛哉

辛魯盛典 卷三十一  
帝德昌復揮雲漢灑

天章

遣官立石垂久長小臣不才與鴈行五年起草仍含  
香一麾建節當荆襄濟師絡繹需舟航日夜鞅掌  
雖不遑吏民案堵樂且康奉

詔旋移海岱鄉運籌發粟儲天倉欣逢甲子瞻

垂裳敬陳茲事終始詳于今拜舞豐碑旁銀鈎

御墨紛琳瑯益思

聖祚真無疆猗歟盛哉

帝德昌

幸魯賦

提督山東學政按察司副使臣宮夢仁

粵自疆分徐兗星次奎婁泰山從龍而作鎮滄海  
浩瀚而奔流負龜蒙兮阻河濟控鉅野兮跨中牟  
啓雄封兮少昊錯繡壤兮東周爰蘊精於故魯遂  
誕聖於名鄆金管飛聲而樂奏玉書吐瑞而麟遊  
其人則東西南北其業則刪定贊修傳道統兮不  
泯秉微權兮罕儔挽江河而懸日月兮功垂穹壤  
建廟祀而獻牲牢兮禮重春秋我

皇上本天縱以成能協時中以御宇執精一而四勿端



三會盛典 卷三十一  
際昇平而九經舉

盛德洋溢乎歌衢

大業恢張乎舞羽銘勲則烟閣雲臺講藝則膠宮泮水  
身已兼夫作君作師

心猶企夫問官問禮謂人間無尼阜萬古崦嵫而域內  
有東家千秋萃律未能踰階而升天兮不難登堂  
而入室前驅厲武兮向廣魯以撻金後乘趨文兮  
指昌平而

駐蹕五峯靈毓之地二水聖作之區櫛星參夫象緯  
奎文接夫璇樞銀潢靜兮澄魚藻金薤明兮載龜

跌松是秦而不辱栢經漢而猶敷門具宗廟百官  
之富堂有金絲詩禮之模中爲大成之巍煥

聖人南面而端居姿河海兮形山嶽服袞冕兮佩珩  
琚若夫墓上芝靈溝邊兔白廣道重墉文楷翠栢  
林絕定巢之鳥徑罕鈎衣之棘三板之土岱嶽是  
同一畝之宮王居攸匹爾乃絳螭停輓翠鳳留蹤  
郊迎前導羽衛蒨葱聖孫賢裔紛其來從繩繩雲  
步穆穆

天容仰明靈之如在儷奠獻以升中典頰兮鏗璜珮碎  
匄兮奏笙鏞進劔羹兮蠲潔列俎豆兮豐隆邁遣

臣兮建武軼還祀兮乾封較祥符兮禮有加於再  
拜擬廣順兮神非藉於夢通顏高相兮尊師表留  
曲蓋兮覆儒宗咏數仞之牆兮氣吞萬象賦再生  
之檜兮采奪晴虹爾乃載

命鳩司遠礮碑製琳珉選夫青瑩礪砥懿夫綵繖五丁  
開而爛熳巨靈載而屬異惟

聖知聖宣金聲玉振之音以心印心慕期月三年之治  
炊酌經史兮入道與之已深鎔鑄粹精兮等神機  
於不滓詞鋒景煥兮規模筆陳縱橫兮體勢傳來  
天上兮無非翥鳳翔龍流播寰區兮共寶赤文綠

字乃更姬宗爵錫孟廟碑新思性天之能達褒理  
學之名臣肆

鴻恩之汪濊宜曠典之修明於是尼防增其萃律洙泗  
益其弘深播之遐荒靡不知

聖主尊師而重道傳之億禩咸共贊

熙朝偃武而修文 臣學謝朱程才慙管樂彤庭猥廁  
英翹絳帳謬司木鐸後期而至今雖未效夫趨蹌  
銜

命而臨兮喜獲親夫丹雘杏壇槐市之子競鼓篋以雍  
容褰衣博帶之儒悉橫經而考索欽

盛軌則穹崇乎橫廓乎一握文履度之難以援梯也  
仰

玉音則燻閭乎炳麟乎一祖述憲章之莫可臆測也珍  
寵錫則含蓋兮天無不覆屹立兮地無不載一玉壁  
獲書之永奠於無窮也實深歡忭敢效賡颺乃爲  
之歌曰

鸞輅東巡兮舜日堯天

躬祀林廟兮於爍無前運符五百兮道衍三千恢弘文

治兮濬發

玉言貞珉磨礪兮

奎畫盤旋哀緝

盛典兮金玉其編水湯湯兮山巖巖

聖德皇風兮永具瞻

聖駕幸闕里釋奠

先師禮成恭頌

提督山東學政按察司副使臣唐賡堯

文物輝煌汶泗濱唐虞盛事邁時巡金絲壁啓詩

書古俎豆筵開耳目新奕奕

龍旗光映日巍巍麟壤氣回春莫驚禮數加無已原  
有心傳接

至人

幸魯盛典卷三十七終

幸魯盛典卷三十八

聖駕幸魯釋奠禮成

勅修

聖廟紀事 有序

提督山東學政按察司副使 臣 朱 雯

歲在甲子

上省方回鑾

躬詣闕里行釋奠禮畢

親灑宸翰

御製鴻文懸額樹碑炳耀千古擴地蠲賦之外

賜金

賜秩有差越歲庚午

特發帑

遣官重新廟貌庀材鳩工靡間寒暑夫屈

翠華之駕曲阜親臨給水衡之錢

聖祠重葺曠古以來未有尊師重道

殊恩異數如此之優渥者也臣雯浙水豎儒欽承

簡命視學鄒魯得覲宮牆捧

盛典之新編盥手披誦欣鉅功之經始拭目觀成恭

賦小詩以誌榮幸辭曰

聖主開文治宏規軼漢唐論思勤

講幄企德見羹牆統紹尼山遠源尋泗水長端居懷

闕里望道出天閭後隊鯨函簇前騶鳳旆揚珮聲

馳一路幢影列千行漸近昌平驛俄臨道冠坊上

公虔晉謁執事凜趨蹌玉振門初啓金鐘漏未央

質明將釋奠靜夜早垂裳

端冕行丹陛

凝旒拜素王設縣鳴磬筦布席薦圭璋疏勺犧尊舊

崇牙翟羽翔熉蕭誠合漠徹俎貌逾莊樂奏三終

後烟分兩廡傍

手摩碑篆古衣藉檜陰涼  
睿藻輝宸翰奎文煥講堂

眸容猶穆穆湛露已瀼瀼

賜秩榮先裔調珍給尚方輦金沿戶錫

御蓋守祠藏緩步還辭出登車尚可望鳳絲移殿壁

馬鬣指阡岡駐蹕亭猶在披榛徑未荒楷柯瞻去

直著草摘來香酒酌霜風急林寒暮色蒼傍塋新

擴地荷澤永蠲糧曠典知難竝

天心更不忘學惟宗

至聖禮必邁前皇祠宇從明代巍峩壓魯疆陳丹經

漉漫暗粉墮微茫廟貌因重葺程工紀土章帑頒

元子國精給大官倉伐石礱堦砌掄材庀棟梁杲

恩縈短椀瓴甌遶回廊百度咸釐飭千夫盡蹶躄

層基仍爽塏廣廈逾輝煌自顧同窺管深慚嘆望

洋寵膺

天子命得到

聖人鄉玉軸晴霞麗琳宮奕葉光矢音恭紀盛拜手

頌遐昌

恭紀

聖駕幸魯八章

提督山東學政按察司僉事臣任塾

洙泗昭雲漢斯文帝者模

省方旋

鳳馭望道起

嵩呼肅穆

天容接高深

聖德符禮成垂盛典至治媿唐虞

其二



行幄瞻龍袞升堂引上公共驚

天子貴新拜

素王崇羽衛千官仗車書百畝宮同符前後際文物

喜昭融

其三

千仞宮牆啓龍旗

駐蹕來告虔陳玉帛釋奠薦尊罍奏樂宮縣正橫經

黼座開爭誇兩博士新侍

講筵回

其四

至道心傳契尊崇寶墨宣銀鈞垂象緯金榜上雲

煙

天藻珠璣落

奎章琬琰鐫千秋堂奧在昭示得真詮

其五

旅進分多士蹒蹒列駿奔園橋盈鷺羽陪祀及雲

孫顧喜衣冠萃周諮典策存

賜金兼

賜秩族姓總承恩

其六

馳道森蒼翠

親瞻馬鬣封喬林尋古幹宿草摘香茸酌酒重泉潤披  
榛湛露濃五雲松栢路縹緲見

真龍

其七

泉林懷往躅寶碣照川光碧瓦丹青外虹橋玉溜  
傍神機開奧窔

天縱煥文章緬想卷阿盛來遊頌未央

其八

異數沾優渥寧誇唐宋年黃羅留

御蓋翠陌廣新阡贊頌金絲協縹緗日月懸小臣方後  
至深媿續鴻編

聖駕幸闕里恭紀

山東鹽運使司鹽運使臣胡瑾

龍旂冉冉渡江津

鑾輅雍雍向泗濱方說勤民來肆覲忽緣訪道又

東巡千秋俎豆推三重萬古文明賴

一人列拜宮牆稱異數金貂輝映杏壇春

其二

聖學宏深百代師執經

親御孔顏祠德崇天縱維新化道繫乾元大統垂五氏

園橋承



野久知歌

帝力千秋復見振儒宗微臣幸際明良盛愧乏清辭入  
鼓鐘

聖駕幸魯釋奠禮成

勅修

聖廟恭紀五十韻

山東兗州府黃河同知臣朱琦

寶曆元開泰豐年物兆康

天心崇道統

帝德煥文章

聖已追堯舜風尤軼漢唐

深居常典學端拱協垂裳敷政勤宵旰論思凜怠荒  
經筵資啓沃治術重勛勩疏瀹縈清慮肯災切視傷

德音原秩秩典誥復洋洋偃武烽煙靖修文圖史彰蒸  
黎欣布澤河嶽慶

巡方北望青雲迴東來紫氣翔羽林皆虎旅驃騎盡  
龍驤

鳳輦行齊甸

鸞輿幸魯鄉昌平纜

駐蹕闕里又登堂釋奠超皇古尊師極素王羹牆瞻  
拜起俎豆耀輝煌扇影開彤旭星芒拂劍霜尼山  
名愈烈泗水澤尤長陪祀雲孫集明禋世會昌絃  
歌敦象勺題詠式珪璋廣額

綸音渥豐碑

御墨香橫經優聖域進講得書倉爭羨儒生業親依  
天子光不須嗟豹隱頓已列鴈行授爵榮雙被分金寵  
莫量書

頒龍篆紫蓋錫鶴雲黃入廟神先肅臨陵草更芳楷  
邊詢手植川上製文揚地擴通隣壤租捐是正糧  
溪山仍勝賞祠宇久蒼涼不遠靈光殿還修冠道  
坊

遣官馳驛迅

發帑庀材良林總工咸集雕鏤技畢襄崇墉高碧落

壘石接康莊雲漢飛朱棟丹鉛遶畫廊

天恩新廟貌士氣感趨踰鐘鼓弘陳典精誠格上蒼奇

觀峩竝仰瑞靄鬱相望輪奐鸞表麗翬飛鳥革張

光華昭黼黻紹述著縹緗盛業原無匹宏規迥異

常旁求東野胄表樹孟公庠勝事難枚舉微臣敢

拜颺服官為邑宰再命役河防曾識

天顏近同沾零露灑雲屯森羽衛銀箭漏鏗鏘退食頌

羣雉烹鮮

賜一臠餘榮追祖考馨薦洽烝嘗未獲涓埃報徒深

悃悞將千秋銘不朽

萬壽頌無疆





異數也 臣綸部 草茅下吏獻頌無由敬述蕪詞曷

勝屏息辭曰

輦路東風闕

皇圖北極安洙源

親訪道關里

駐鳴鸞雉尾開宮扇龍旂引輔官青陽覃澤溥赤子

沸聲歡禮器藏宗國春秋祀杏壇闕宮傳

警蹕泮水滙波瀾

聖像凝神古

天顏對越端金絲藏典冊章甫覲衣冠舞佾賡鐃磬升

馨薦匝盤槐庭施講席檜殿

灑宸翰宗子彤弓賜儒門棧樸繁簷楹

曲蓋植碑碣

冕旒看

命駕遊封域披榛視鬱蟠捫著思演易撫楛夢猗蘭粹

矣心遙契休哉典莫刊

文章星日麗氣象斗牛干

御幄冬常煖恩波歲不寒卿雲千載旦湛露一朝溥末

吏遭逢幸微言獻納難永懷歌喜起焉敢頌遊觀



盛典不勝忻幸恭率藩臬道府諸臣輕騎星馳前赴  
瞻仰以是月之望恭叩

御碑又得拜觀

御筆墨蹟於詩禮之堂

天章

宸翰照耀心目星虹煜爚雲霞蔚蒸譬諸天地之廣大

日月之光華莫可形容無能贊頌臣等唯有相率

懽忭蹈舞自慶遭逢

聖主得覩開闢以來未有之

隆恩鉅典而已臣退而思之竊聞帝王出治者也聖人

垂教者也自伏羲神農以及堯舜禹湯文武行道  
於上而治以成孔子明道於下而教以立至其集  
羣聖之心傳垂百世之道統繼往開來貫古今而  
配天地者則孔子為尤盛焉然聖人之道必得帝  
王尊崇而闡揚之然後其道益明而其教益廣漢  
唐宋明以來非無崇儒重道之君臨幸釋奠然不  
過修舊典舉常儀繕葺委守土之吏撰述出代言  
之臣耳未有如我

皇上之親幸林廟

躬行九拜

賜御書之額留

御仗之蓋祝文碑贊皆出

聖製

寵賚渥於世嫡錄用逮於聖裔而且推恩元聖施及先

賢修廟則

特頒內帑董以近臣告成則

親製祭文

特遣

皇子至於因成新廟重勒貞珉道接羹牆言垂琬琰

帝典王謨之體游龍臥虎之書崇禮

先師表章聖學以一道同風之旨爲化民成俗之原

大哉

王言尤亘古所未聞也蓋由我

皇上聖由天縱德集大成闡泗洙之心源邁唐虞之至

治

先聖

後聖若合符節故能隆尊聖之典篤重道之心如此其

至也猗歟盛哉微臣庸陋仰荷

隆恩慶幸之餘言不盡意然而瞻雲就日恍如身際中

天履厚戴高不禁心馳

北闕敢效賡歌之義用抒葵藿之忱爰拜手稽首而  
獻頌曰天生

聖人庸民作則繼往開來與天無息維我

聖皇繼天立極遠紹心傳同符合德

翠華夙駕

臨幸魯國

九拜告虔對越降陟萬世師表九圍是式禮隆恩渥

漸濡聖域睠彼宮牆經營是亟

特頒帑金罔費民力不日成之新廟翼翼

皇子代祭薦馨黍稷璀璨

奎章翠珉載勒

聖謨孔彰

王猷允塞章回雲漢寶同球璧彩煥孔林光生魯壁臣

幸遭逢

王道正直對揚

休命拊蹈匍匐東海汪洋岱宗崩斃

君德師教照垂萬億

瞻拜

御製御書

孔子廟碑恭紀四律

山東布政使司布政使臣劉 暉

爲觀

宸章赴杏壇中宵霜月照征鞍直同待漏天街曉敢避

衝寒驛路難

聖製禱皇攄鳳藻

御書炳煥映龍盤微臣瞻拜昭誠恪日月光華抃舞看

其二

游夏何能贊一詞心源直接帝王師楷模正大古  
今少義蘊宏深天地奇孔子以前無拔萃聖人之  
後又生知颺言莫罄臣椎魯咫尺

天顏凜廟碑

其三

巍巍龍碣見羹牆寶墨雲箋盡染香

聖蹟聖門傳聖裔天心天道煥

天章體堅質潤縈丹篆鐵畫銀鈎燦碧芒匠石萬年同  
不朽近臣從此姓名揚

其四

琳琅閣帖久藏珍得見

龍章迴絕倫神妙筆心原自正天然戈法更能真金函

玉檢如雲煥寶軸牙籤與日新倘得硬黃

頌一紙傳家奕葉戴洪鈞

聖駕東巡親謁

先師於闕里越二年奉

勅賚

御製碑文復往

聖廟建碑刻石欣逢

盛典恭紀一章

工部都水清吏司員外郎 臣 卞永式

巍巍堯德不可名天地得一皆清寧橐弓發矢武  
功定手揭四海開文明圖書龍馬凌波至

玉輅東巡輯五瑞廻



蹕親登闕里堂道源直濬通洙泗淋漓

睿藻何煌煌日星炳曜飛天章龍拳鳳翥灑

宸翰登三成五超前王自愧不才同檝棘口啣尺一來

鳧嶧不刻之采頌德碑獨攜星渚支機石河伯效

順屏翳趨衛河十日長風吹百尺磨崖切雲漢千

鈞厚載連坤維金椎鐵畫工倕手靈鼈鼻鳳蟠蚪

蚪繼往開來魯素王長與穹碑同不朽憶昔弱冠

登王衢委蛇出入承明廬曉日濡毫立螭陛秋風

侍獵隨鸞旛何緣盛典還躬遇

帝德師模兩昭布東山差峩泰岱高億萬斯年綿

聖祚

恭頌

皇帝臨幸闕里詩

有序

山東兗州府城武縣署教諭舉人

臣趙于京

康熙二十三年甲子之冬

聖駕東巡道出濟南鹵簿未設惟馬上張

九旂華蓋中使一人前驅

臣

于京得隨次蒲伏郊迎

上駐蹕顧問爾何官

臣

謹對

臣

濟南舉人尚未出仕又

問何名

臣

謹對

臣

趙于京快睹

天顏有喜須臾

扈從豹尾過萬馬填街巷

上幸灤泉

召舉人臣從在後未及叨侍

宸翰然至今仰瞻

激湍諸寶書草茆微臣猶依依

雲霄日月之旁不翅如宋臣蘇軾所云驪珠之分袖

也是日薄暮

上安帳殿於齊河之滸由川道陟泰山留

題日觀峰頭望秩畢

賜高年絹廼

幸闕里入櫺星門止輦以太牢祀

先師孔子禮成恩賚有加

上撫檜作賦

大書萬世師表頒額天下學宮且

賜幸魯詩廓林田封周公之後如四氏例又

發帑金數十萬

遣官重修

孔廟不日落成

特勅

皇子告祭崇儒重道可謂生民來未有之盛矣臣于

京茲承

恩命掌教城武卽又得捧接

御製孔顏諸贊刊樹豐碑觀者灑然動色今乙亥三月

檄諸生校藝曲阜乃得縱觀

廟貌規模壯麗日觀太平風耀不禁驢思仰嘆頌聲  
作焉夫宣

主上德意以助流教化亦山長外史之事也臣於是恭

紀八章

一

珠斗貞元會河圖歲習行雲垂滄海立日射灤泉  
清豹尾隨

巡幸鷓班扈

聖明豈知蒲伏下

天語問臣名

二

宸翰留泉上榮光燭岱宗九霄施淑雨十月見飛龍

仙仗天門路山呼日觀峯百年鳩杖賜童叟遍喁喁

三

萬乘雲臺駐真尊

帝者師大昕臨頰水止

輦聽金絲綵帛千官肅軒縣萬舞遲

三會盛典 卷三十一  
恩波逮東野從此與榮施

四

百碣維魚在曾無

御墨光

筆牀開芍藥檜殿起

鸞凰

思際雲霄上神從秋水旁自應聲教訖質子集梯航

五

芝蓋方留廟林原又

賜田河流襟孔域岳色倚

堯天萬葉靈著直千章古本圓但經

行輦處小草亦芊眠

六

陪尾何年濬登臨

御覽寬山龍分道脈海眼出文瀾月影旌旗動霜華駮

駟寒淵源今有自星漢五雲端

七

發帑嚴

師廟鳩僦取次新風斤來

日下翠甌走天津煥矣勞

皇子歸然禮

聖人請看松栢徑深靚五花勻

八

盛典垂成日從遊

夫子宮雨添洙水濶花亞杏壇紅海岳沾王化耕桑

由

帝功小臣叨外翰珥筆效歌風

康熙甲子歲

駕幸闕里恭紀

江西吉安府知府臣劉德新

駐蹕東山道泰時輝煌鳳德耀龍旗車書一統開

天仗俎豆千秋肅

聖儀花燦杏壇

宸翰麗風飄檜樹慶雲移小臣忻靚兩楹奠仰止斯文

已在茲

幸魯盛典卷三十八終



